

**Pauli Laymanni e Societate Iesu Jus Canonicum  
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium

**Laymann, Paul**

**Dilingae, 1698**

Capitulum I. in Sexto. Si Pater.

---

[urn:nbn:de:hbz:466:1-62482](#)

332 Decret. Greg. Lib. III. Tit XXVI. Capit. I in sex.  
CAPITULUM VLTIMVM.

De his.

PARAPHRASIS.

Ex Legatis pro Ecclesiarum ornamenti, fabrica, luminaribus, vel pro anniversario, vigesimo, septimo die, & hisque pertinentibus ad cultum divinum, canonica portio (nisi in fraudem ita legetur, ut Episcopus, vel Parochia defraudet) deduci non debet.

Notandum. Ex ijs Legatis pijs, quæ hic numerantur, non solvit portio Canonica Episcopo, aut Ecclesiae parochiali. Excipe, nisi in fraudem ita concipiatur legata, quasi sint pro fabrica, pro luminaribus &c. cum tamen testatoris voluntas sit, ut Ecclesiae absolutè proveniant. Vide, quæ dixi in c. officij 13. hoc tit.

CAPITULUM I.  
in Sexto.

Si Pater.

PARAPHRASIS.

Titius habens filium, & filiam impuberes. Filiam instituit in re certa, & filium in reliquis bonis hæredem fecit, uxori aliqua legavit; adjecto porro, si filia absque liberis decederet, ut filio; si autem filius prius sine liberis decederet, ut filia moreretur; denique pauperes hæredes instituens, si utrumque sine liberis mori contingat. Evenit postea, ut post mortem testatoris tum filius, tum filia absque prole morerentur, cum itaque vestimenti paterni hæreditas pauperibus restituenda esset, mater partem legitimam, & Trebellianicam deducere voluit; sed Bonifacius VIII. his non deducit, bona omnia pauperibus deberi respondit, propterea quod substitutio filio ad filiam, & filia ad filium, & ab his ad pauperes fuerint pupillares, direc-

ctæ, non obliquæ, quia in substitutis (si verbis ac personis conveni possit, ut in nostro casu) semper interpretatio facienda est, potius, ut dicitur, quam ut obliquæ, tametsi indecum substitutio directa ad fidem communariam, seu obliquam ex causa subditur; neque vero mirum est, manu à portione legitima excludi, quia hic ipse filius, aut filia non possit in suo testamento matrem legitimam portionem dare, pater tamen in testamento, quia filio, aut filia impuberis facit, manu omnino excludere non probatur, quia istud testamentum pupillare patrem testamenti pars quadam esse constat.

SUMMARIUM.

1. Si heredi necessario res artaria fit, confetur in ea instituta hereditate.
  2. Verba communia in testamento substitutionem, an substitutionem significent, ex varijs conjecturis deponuntur?
  3. Num substitutus hereditatem acquatur, si pater filio impuberis futuit, & hic post pubertatem aqua moriatur?
  4. Utrum Trebellianica deducit post hereditate restituenda pie usus?
- Notandum primum. Si hereditate, non res certa relieta sit, centum habet in ea institutus. Ita sumitur ex hoc, & dixi de hoc in c. Raynatus.
- Notandum secundum. Verba substitutio res, institutus, moriatur Tilio, vel moriatur pauperibus, communis substitutionis verba sunt, ita, ut quantum est ex vestrum, tum directam, tum obliquam significare possint substitutionem. Ita sumitur ex hoc c. & notat hic Francis n. 19. M. disp. 155. n. 8.

Notandum tertium. Verba communia (si materia, & persona subdita patiantur, nec aliunde ostendi possit aliam substitutoris mentem) potius intelligi debent, ut directam, quam ut obliquam substitutio-

tionem significant. Ita indicatur in hoc c. & notavit Molin. disp. 182. n. 17. Ratio est, quia directa substitutio, per quam hereditas sine alterius interventu a testatore ipso capitur, est magis naturalis, simplex, honorata, liberalis.

Pro majori intellectu horum suppono primò. Quod pater filio impuberi, quem in potestate habet, substituere possit directe, quæ dici solet substitutio pupillaris simpliciter, si filius meus in impubertate decelerit, heres esto Caius *Inſt. de pupillari substitutione*, ubi dicitur: Si filius hereditatem patris aderit, & ante pubertatem mortuus sit, Cajum heredem fore cum patris, tum filij, adeoque omnium bonorum a filio relictorum undequeque provenientium, atque in hac ipsa substitutione pupillari tacite continetur vulgaris, ita, ut si filius hereditatem non aeat, quia prius moritur, substitutus testatori succedat, nisi de contraria eius voluntate appearat *L. 4. ff. de vulgari, & pupillari substitutione*. Sed & vice versa sub vulgari substitutione facta filio impuberi continetur tacita pupillaris, ita, ut tametsi filius heres sit, tamen intra annos impuberratis moriatur, succedat substitutus, videlicet, si dixerit testator, si filius heres non erit, Caius heres esto *cit. L. quartæ & L. quāvis 4. Cod. de impuberum, & alijs substitutionibus* & videri possit *Cod. in c. Rayninius §. 4. & 5.*

Excipitur tamen mater, cuius respectu tacta pupillaris subintellesta in vulgari effectu non habet, videlicet ad eam excludendam, *L. precibus C. dicto tit. præterquam*, si substitutus sit filius testatoris, seu frater instituti filii, secundum *Bartolum in L. 1. n 44. ff. de vulgari & pupillari substitutione*.

Suppono secundò. Quod pater filio impuberi etiam obliquè seu fideicommissariè substituere possit, si filius ante annos puberratis moriatur, hereditatem det Cajo *L. cohædi 41. §. cum filie ff. dicto tit. ubi adiutus primò*. In hoc casu Falcidiam (intellige Trebellianam), nam pro eodem quan-

doque usurpantur) detrahiri posse. Additur secundò. In hoc casu restituenda esse tantum bona hereditatis paternæ, non item bona, quæ filio aliunde provenerunt, hæc enim non ad substitutum, sed ad proximum consanguineum tanquam heredem ab intestato v. g. matte proveniunt.

Ex his itaque sumpta est principalis decisio Capituli, cùm verba, quibus pater usus est, communia sint, & intelligi possint de substitutione pupillari directe, ideo sic accipienda esse, ut proinde mater jus Trebellianicæ non habeat, sed neque legitimam deducere possit, cùm non filij, sed patris (cujus respectu mater necessariò heres non est) testamentum, & hereditas esse censetur.

Id in controversia est, si pater filio impuberi substituerit, is autem post pubertatem mortuus sit, num substitutus saltem obliquè hereditatem consequatur.

Respondeo, & dico primò. Si pater filio impuberi verbis directis substituit, non trahuntur ea ad fideicommissum, idèo si filius pubes factus decebat, excluditur substitutus *L. verbis 7. L. centurio 15. ubi Bartolus n. 3. ff. de vulgari &c.* cùm enim verba directa, & verba obliqua seu fideicommissaria, oppositas habeant significaciones, idèo non convenit verba directa ita intelligere, ut obliquam contineant substitutionem.

Excipe primò. Nisi necessitas cogat, quia alioquin corrueret substitutio. *L. Scævola 76. ff. ad Trebellianum*, ubi substitutio facta verbis directis in codicillo (in quo hereditas directe dari nequit) trahitur ad fideicommissariam, ut valeat tanquam fideicommissum, & heres, v. g. mater impuberis, gravata censeatur. Vide *Bartolum in L. cit. verbis n. 4.*

Excipe secundò. Quod militi privilegium hoc datum sit, ut tametsi verbis directis substituerit filio, exempli causa, si filius heres meus impubes intra 25. annos aetatis moriatur, sit heres Caius, ita intelligenda sit substitutio, ut etiam post puber-

Tt 3 tatem

tatem ipsi substituere voluerit non quidem directe (quod impossibile est, cum ipsemet tunc filius faciendo testamenti capax sit) sed fideicommissariè, cit. L. centurio & docet Gl. in cit. L. Scavola v. obligatur.

Excipe tertio. Etsi testator utatur verbis directis, hæres esto substitutus, si tamen ex adjunctis colligatur, habuisse eum animum filio impuberi substituendi etiam post pubertatem, adeoque fideicommissariè, præferenda est mens testatoris v. g. instituo filium impuberen hæredem, & quandoenque is decesserit, hæres esto Cajus, censi hæc debet substitutio compendiosa: de qua suprà aliquid dixi, quæ doctrina sumitur ex c. Raynatus & tradit Gl. ibi v. vel institutionis. Abb. n. 17. ibidem & ex cit. L. Scavola, & cit. L. precibus junctâ Gl. quamvis multi Legistæ, quo sequitur Covaruvias in cit. c. Raynatus §. 9. n. 15. & alij Canoniſtæ apud Anchoranum hic contrarium teinant, videlicet evanescere substitutionem, adveniente tempore pubertatis, & ad cit. Leges respondentie speciale id esse in milite. Sed melius est, ut dicamus, privilegium militis in hoc tantum consilere, quod tametsi constet, eum voluisse directe substituere filio, postquam pubes factus est, seu quia, ob juris imperitiam, nescivit id fieri posse, arbitratus videlicet omnes minores, videlicet usque ad annum aetatis 25. testamenta facere non posse, sive quia arbitratus est, filios center impuberem usque ad dictam aetatem, talem substitutionem post adeptam pubertatem valere, eo modo, quo potest, videl. ut fideicommissariam speciali militis favore, cui juris ignorantia ignoscitur, at vero in alio testatore hæc locum non habent, si constet, quod directe voluerit substituere, sed tantum eo in casu, si directis quidem verbis usus sit, ea vero benignius accipi possint, & impropriari, ut mens & voluntas testatoris, ipsiusque testamentum conservetur L. 2. communia de legatis.

Dico secundò. Si testator verbis communibus usus sit in substitutione facta impuberi, neque eam restrinxerit ad annos pu-

pillares, tum extendi debet ad annos pubertatis ita, ut si post pubertatem decesserit, substitutus succedat, tanquam ex fiducia missio, ut si dicat: quandocunque meus, qui jam impubes est, decesserit, substitutus Cajum: nam hæc est comprehendenda substitutio, que secundum omnes Doctores comprehendit in se fideicommissaria uti dixi lib. 3. tra. 5. c. 9. Verum opus non videtur vocula quandocunque sufficere, indefinitè testator substituerit per verbum commune; instituo filium meum, si decesserit, substituto Cajum, moriar. Ita ex c. Raynatus sumitur, ubi docet Abb. n. 6. Covar. n. 16. Joann. Andree n. 19. cum Gl. v. absque deducione, complerosque Legistas. Ratio est, quia locutio indefinita, & indeterminata requiratur versali, ut idem sit dicere: si filius decesserit (videlicet sine liberis) ac dicere: quandocecesserit, utraque ergo erit compendiosa, pluria in se tempora comprehendens, & sumitur ex L. quidam 6. L. ptiens 12. ff. de rebus dubijs.

Quæstio est tractanda, utrum erit commissio facta ad causas pias v. g. parentibus, hæreditatem restituendo, Trebellium deduci possit? Affi mat hic Gl. v. Tithonica & alij apud Dominicum hic arg. bujus cap. quando Pontifex ait, Trebellianam à matre deduci non posse, scilicet puberem mortuus sit, quia ex dicta substitutione hæc editas pauperibus abeatur: ergo per lensus contrarium, si etiā commissio deberetur, Trebellianam debet posset; deinde ex legispijs detrahi possunt prefissi est in L. 1. §. ad mancipium. lib. 2. obser. 119 n. 7. Probatur: si etiā licet pījs Falcidiam detrahi non potest, ut Trebellianam deducitur; sed verum est incedens, ergo & consequens. Probatur sequela majoris, quia Trebellianam ad simili-

studinem Falcidiae introducta eidem æquiperatur, adeò, ut hæc ipsa deductio Trebellianica sèp in jure Falcidiae appelletur. L. pater 14. L. Titia 86. ff. ad Legem Falcidiam. Notum autem est, quando duo in jure ob identitatem rationis æquiparata sunt, quod statutum de uno, etiam de altero statutum censeri debet argum. L. si quis seruo C. de furtis. ubi Gl. marginalis nova sit: abi eadem est æquitas, idem est jus; & docu lib. 1. tra. 4. c. 18. n. 10. Minor propositio, quod Falcidiae p[ro]i legatis detrahi non possit, adeò recepta est, ex authent. de Ecclesiastice titulis. S. si autem heres, ut in cod. em. Justinianeum tit. ad Legem Falcidiam disertis verbis inserta fuerit. Accedit, quod hactenus in tribunalibus ita judicatum fuerit, ac proinde Ecclesijs jus acquisitionis etiam per temporis antiquitatem, si quipiam ostendere conetur alium fusile cit. S. si autem heres intellectum, de quo Andreas Pachineus lib. 5. controversiarum c. 17. quare locum hic habet, quod dicitur in L. 23. ff. de LL. minime sunt mutanda, que interpretatione certam semper habuerunt.

Deinde ita argumentor: quæ circa ultimas voluntates præter jus naturale, aut gentium civili jure introducta sunt, ea circa relata pia cum præjudicio Ecclesie non valent. c. cùm esset 10. hoc tit. atqui Falcidia & Trebellianica civili lege præter jus naturale, ac gentium constituta fuit, ergo &c. Probatur minor ex eo, quia secundum jus naturale, ac gentium, quām maximè attendi debet ad testatoris voluntatem, si ea honeste impleri possit cit. c. cùm esset. Falcidiae præter voluntatem testatorum introduciam esse, per se patet, & colligitur ex c. Raynaldus junctâ Gl. contra voluntatem, nam testator v.g. jubet mille aureos, aut totam hæreditatem dari Titio, ideo si hæres non totum det, sed partem deducat, id non agit secundum testatoris voluntatem. Ad primum argumentum Resp. locum non esse argumento persensum contrarium, quia ea non erat decisio Papæ, sed allegatio mulieris, quæ ita petitionem formabat: si

heres per fideicommissum hæreditatem restituere debeat pauperibus, Trebellianicam deducere potest, sed filius meus hæreditatem per fideicommissum pauperibus restituere jussus fuit, ergo &c. Ad hoc Pontifex majorem, seu principium non examinans, cùm ea res maiorem indaginem requireret, facile se expediendo respondet, falsam esse assumptionem, seu speciem facti, cùm fideicommissum, seu substitutio obliqua non fuerit, sed directa.

Ad secundum Resp. cum Glossis & DD. in cit. S. si autem heres & in authent. similiter C. ad legem Falcidiam jus illud antiquum à Justiniano immutatum esse.

Notandum quartum. Pater filio impuberi pupillariter substituere potest verbis directis, ita ut mater ejus penitus excludatur. Ita habetur in fine c. & explicavilib. 3. tra. 5. c. 9. in fine n. 1.

## CAPITULUM II. Religiosus.

### PARAPHRASIS.

Si Religiosus ab aliquo in voluntate ultima executor deputatus sit, non potest is, cùm velle, & nolle non habeat, illud suscipere, aut exequi, nisi à Superiore suo licentiam petiverit, & obtinuerit. De hac re regilib. 3. tra. 5. c. 11. q. 2.

### SUMMARIUM.

1. *Quis hic intelligatur nomine Superioris?*
2. *Non transit ad h[ab]endem officium testamentarij executoris.*
3. *Si tamen nomine dignitatis demandata est executor, nisi ex verbis colligatur aliud, ordinarij ad successorem in dignitate transit.*
4. *Ex pluribus deputatis in testamento executoribus, si unus non velit, vel non possit, utrum malij ad executionem procedere possint?*

**Q**uates. Quis intelligatur nomine Superioris? Resp. in Religionibus exceptis intelligitur Prælatus Ordinis, in non-

ex-